



Broj, 01-07-10-51-19/2024
Sarajevo, 10.1.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Renate Radić-Dragić, [REDACTED], od 8.1.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se pristup informacijama u vezi sa predmetom Osnovnog suda u Višegradu broj 91 0 K 036028 19 K2 od 29.8.2022. godine u kojem je donesena presuda o odbijanju tužbe zbog zastare vođenja krivičnog postupka protiv M [REDACTED] G [REDACTED], kako slijedi:

- a) informaciji da li je Visoko sudsko i tužilačko vijeće Bosne i Hercegovine upoznato sa sadržajem izvještaja o zastari u navedenom predmetu;
- b) informaciji o poduzetim radnjama Ureda disciplinskog tužioca Visokog sudskog i tužilačkog vijeća Bosne i Hercegovine u vezi navedenog predmeta.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 8.1.2024. godine zaprimilo zahtjev Renate Radić-Dragić, [REDACTED] (u daljem tekstu: podnositeljica zahtjeva) za pristup informacijama kojim se traže podaci u vezi sa predmetom Osnovnog suda u Višegradu broj 91 0 K 036028 19 K2 od 29.8.2022. godine u kojem je donesena presuda o odbijanju tužbe zbog zastare vođenja krivičnog postupka protiv M [REDACTED] G [REDACTED], konkretno, da li je VSTV BiH upoznat sa sadržajem izvještaja o zastari, da li je proveden postupak provjere subjektivne odgovornosti postupajućeg sudije, da li je utvrđena subjektivna odgovornost, da li je podignuta disciplinska tužba u ovom slučaju i ako jeste protiv koga je podnesena.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine.

U odnosu na izreku rješenja pod a), uvidom u službenu dokumentaciju, utvrđeno je da je izjašnjenje o zastari u predmetu broj 91 0 K 036028 19 K 2 iz Osnovnog suda u Višegradu zaprimljeno u VSTV-u BiH 14.10.2022. godine.

U odnosu na izreku rješenja pod b), utvrđeno je da je u vezi sa predmetom Osnovnog suda u Višegradu broj 91 0 K 036028 19 K 2, Ured disciplinskog tužioca VSTV-a BiH formirao predmet broj UDT DI 21229/22, koji je nakon okončane istrage odbačen primjenom člana 83. stav 4. Poslovnika Vijeća, jer je utvrđeno da nema dokaza o počinjenom disciplinskom prekršaju.

Postupajući po zahtjevu podnositeljice, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. Odjelu za pravosudnu analitiku i izvještavanje
3. Uredu disciplinskog tužioca
4. U spis